

ВЕЛИКАЯ ВЕЧЕРНЯ

Диакон: Благослові, владыко.

Иерей: Благословен Бог наш всегда, ныне и присно, и во веки веков.

Хор: Аминь.¹

Чтец: Приидите, поклонимся Цареву нашему Богу.

Придите, поклонимся, и припадём Христу, Цареву нашему Богу.

Придите поклонимся и припадём Самому Христу, Цареву и Богу нашему.

Псалом 103, предначинательный:

Благослові, душе моя, Господа. Господи Боже мой, возвеличился еси зело; во исповедание и в велелепоту облечлся еси; одеяйся светом яко ризою, простирая небо яко кожу; покрывая водами превыспренняя своя, полагая облаки на восхождение свое, ходяй на крилу ветреню; творяй ангелы своя духи, и слуги своя пламень огненный; основай землю на тверди ея; не преклонится в век века. Бездна яко риза одеяние ея, на горах станут воды; от запрещенія твоего побегнут, от гласа грома твоего убоятся. Восходят горы, и низходят поля, в место еже основал еси им. Предел положил еси, егже не перейдут, ниже обратятся покрыти землю. Посылая источники в дебрех, посреде гор пройдут воды. Напаяют вся звери сельныя, ждут онагри в жажду свою. На тих птицы небесныя привитают; от среды камня дадут глас. Напаяя горы от превыспренних своих; от плода дел твоих насытится земля. Прозябая траву скотом, и злак на службу человеком, извести хлеб от земли; и вино веселит сердце человека, умастити лице елеем; и хлеб сердце человека укрепит. Насытятся древа польская, кедри ливанстии, ихже еси насадил; тамо птицы вогнездятся, еродиево жилище предводительствует ими. Горы высокия еленем, камень прибежище заяцем. Сотворил еси луну во времена; солнце позна запад свой. Положил еси тму, и бысть ночь, в нейже пройдут вси зверие дубравнии, скимни рыкающие восхитити и взыскати от Бога пищу себе. Возсия солнце, и собращая, и в ложах своих лягут. Изыдет человек на дело свое и на делание свое до вечера. Яко возвеличишася дела твоя, Господи; вся премудростию сотворил еси; исполнися земля твари твоея. Сие море великое и пространное; тамо гади, ихже несть числа, животная малая с великими; тамо корабли преплавают, змий сей, егже создал еси ругатися ему. Вся к тебе чают, дати пищу им во благо время. Давшу тебе им, соберут; отверзшу тебе руку, всяческая исполнятся благодати; отвращшу же тебе лице, возмнутся; отымеши дух их, и изчезнут

¹ Если вечерня служитя отдельно от девятого часа (или если 9 час не совершался перед вечерней), то после возгласа священника читается обычное начало:

Иерей: Благословен Бог наш всегда, ныне и присно, и во веки веков.

Чтец: Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняя, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святый Боже, Святый Крепкий, Святый Безсмертный, помилуй нас. (Трижды)

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй, (трижды).

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство...

Чтец: Аминь. Господи, помилуй (12 раз)

Слава Отцу и Сыну и Святому Духу, и ныне и присно и во веки веков. Аминь.

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

и в персть свою возвратятся; послеси духа твоего, и созиждутся, и обновishi лице земли. Буди слава Господня во веки; возвеселится Господь о делах своих; призирай на землю и творяй ю трястися; прикасайся горам, и дымятся. Воспою Господеву в животе моем, пою Богу моему, дондеже есмь; да усладится ему беседа моя, аз же возвеселюсь о Господе. Да исчезнут грешницы от земли, и беззаконницы, якоже не быти им. Солнце позна запад свой. Положил еси тму, и бысть ночь. Яко возвеличишася дела твоя, Господи; вся премудростию сотворил еси.

Слава Отцу, и Сыну, и Святому Духу, и ныне и присно и во веки веков. **Аминь.**

Аллилуиа, аллилуиа, аллилуиа, слава Тебе, Боже. (Трижды)

ВЕЛИКАЯ ЕКТЕНИЯ:

Диакон: **М**иром Господу помолимся.

Хор: **Г**осподи, помилуй

Диакон: **О** Свяшнем мире и спасении душ наших, Господу помолимся.

О мире всего мира, благостоянии Святых Божиих Церквей и соединении всех, Господу помолимся.

О святем храме сем и с верою, благоговением и страхом Божиим входящих в онь, Господу помолимся.

О великом Господине и Отце нашем Святейшем Патриархе **Кирилле**, и о Господине нашем, Высокопреосвященнейшем митрополите (**или:** архиепископе, **или:** преосвященнейшем епископе **имярек**), честнем пресвитерстве, во Христе диаконстве, о всем причте и людех, Господу помолимся.

О Богохранимем стран нашей, властех и воинстве ея, Господу помолимся.

О граде сем (**или** о весях сей), всяком граде, стране и верою живущих в них, Господу помолимся.

О благорастворении воздушных, о изобилии плодов земных и временах мирных, Господу помолимся.

О плавающих, путешествующих, недугующих, страждущих, плененных и о спасении их, Господу помолимся.

О предстоящих людех и ожидающих благодати Святаго Духа, Господу помолимся.

О приклоняющих сердца своя пред Господом и колена, Господу помолимся.

О еже укрепитися нам к совершению богоугодне, Господу помолимся.

О еже низпослаться богатым милостем Его на ны, Господу помолимся.

О еже прияти коленоприклонения наша яко фимиам пред Ним, Господу помолимся.

О требующих от Него помощи, Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: **Т**ебе, Господи.

Иерей: **Я**ко подобает Тебе всякая слава честь и поклонение, Отцу и Сыну и Святому Духу, ныне и присно и во веки веков.

Хор: **А**минь.

БЛАЖЕН МУЖ:

Хор: **Б**лажен муж, иже не иде на совет нечестивых.

Аллилуиа, аллилуиа, аллилуиа.

Яко весть Господь путь праведных, и путь нечестивых погибнет.

Аллилуиа, аллилуиа, аллилуиа.

Работайте Господеву со страхом и радуйтесь Ему с трепетом.

Аллилуиа, аллилуиа, аллилуиа.

Блажени вси надеющиеся на Нань.

Аллилуиа, аллилуиа, аллилуиа.

Воскресни, Господи, спаси мя, Боже мой.

Аллилуиа, аллилуиа, аллилуиа.

Господне есть спасение, и на людех Твоих благословение Твое.

Аллилуиа, аллилуиа, аллилуиа.

Слава Отцу и Сыну и Святому Духу.

Аллилу́иа, аллилу́иа, аллилу́иа.

И ны́не и прѣсно и во ве́ки веко́в. Ами́нь.

Аллилу́иа, аллилу́иа, аллилу́иа.

Аллилу́иа, аллилу́иа, аллилу́иа, сла́ва Тебе́ Бо́же. (Три́жды)

ЕКТЕНИ́Я МА́ЛАЯ:

Диáкон: Па́ки и па́ки ми́ром Го́споду помо́лимся.

Хор: Го́споди, поми́луй.

Диáкон: Засту́пи, спаси́, поми́луй и сохрани́ нас, Бо́же, Твое́ю благода́тию.

Хор: Го́споди, поми́луй.

Диáкон: Пресвяту́ю, Пречисту́ю, Преблагослове́нную, Сла́вную Влады́чицу на́шу Богоро́дицу и Присноде́ву Мари́ю, со все́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу преда́дим.

Хор: Тебе́, Го́споди.

Иерей: Я́ко Твоя́ держа́ва, и Твое́ есть Ца́рство, и си́ла, и сла́ва, Отца́ и Сы́на и Свята́го Ду́ха, ны́не и прѣсно и во ве́ки веко́в.

Хор: Ами́нь.

Го́споди, воззва́х, глас 2:

Хор: Го́споди, воззва́х к Тебе́, услы́ши мя./ Услы́ши мя, Го́споди./ Го́споди, воззва́х к Тебе́, услы́ши мя:/ вонми́ гла́су моле́ния моего́,/ внегда́ воззва́ти ми к Тебе́.// Услы́ши мя, Го́споди.

Да испра́вится моли́тва моя́,/ я́ко кади́ло пред Тобо́ю,/ воздея́ние рукú мое́ю/ – же́ртва вече́рняя.// Услы́ши мя, Го́споди.

Чтец: Стихи́ры пра́здника, глас 2:

На 8. Стих: Из глублины́ воззва́х к Тебе́, Го́споди,// Го́споди, услы́ши глас мой.

Стихи́ра: Прииди́те, возра́дуемся Го́сподеви, настоя́щую та́йну сказа́юще:/ средосте́ние граде́жа разруши́ся,/ пла́менное ору́жие плещи́ дае́т,/ и Херуви́м отступáет от дре́ва жи́зни,/ и аз ра́йския пи́щи причаща́юся,/ от него́же произгна́н бых преслуша́ния ра́ди;/ неизме́нный бо о́браз Оте́чь,/ о́браз присносу́щия Его́,/ зрак раба́ прие́млет,/ от Неискусобра́чныя Ма́тере проше́д,/ не преложе́ние претерпе́в,/ е́же бо бе пребы́сть, Бог Сый и́стинен,/ и е́же не бе прия́т, Чело́век быв чело́веколю́бия ра́ди./ Тому́ возопи́им:// рожде́йся от Де́вы Бо́же, поми́луй нас.

Стих: Да бу́дут у́ши Твой// вне́млюще гла́су моле́ния моего́.

Стихи́ра: Прииди́те, возра́дуемся Го́сподеви, настоя́щую та́йну сказа́юще:/ средосте́ние граде́жа разруши́ся,/ пла́менное ору́жие плещи́ дае́т,/ и Херуви́м отступáет от дре́ва жи́зни,/ и аз ра́йския пи́щи причаща́юся,/ от него́же произгна́н бых преслуша́ния ра́ди;/ неизме́нный бо о́браз Оте́чь,/ о́браз присносу́щия Его́,/ зрак раба́ прие́млет,/ от Неискусобра́чныя Ма́тере проше́д,/ не преложе́ние претерпе́в,/ е́же бо бе пребы́сть, Бог Сый и́стинен,/ и е́же не бе прия́т, Чело́век быв чело́веколю́бия ра́ди./ Тому́ возопи́им:// рожде́йся от Де́вы Бо́же, поми́луй нас.

На 6. Стих: А́ще беззако́ния на́зриши, Го́споди, Го́споди, кто постои́т?// Я́ко у Тебе́ очи́щение е́сть.

Стихи́ра: Го́споду Иису́су рождшу́ся от Святы́я Де́вы,/ просвети́шася вся́ческая:/ па́стырем бо сви́ряющим и волхво́м покланя́ющимся,/ А́нгелом воспева́ющим, И́род мя́тшася,/ я́ко Бог во плóти яви́ся,// Спас душ на́ших.

Стих: И́мене ра́ди Твоего́ потерпéх Тя, Го́споди, потерпé душá моя́ в сло́во Твое́,// упова́ душá моя́ на Го́спода.

Стихи́ра: Го́споду Иису́су рождшу́ся от Святы́я Де́вы,/ просвети́шася вся́ческая:/ па́стырем бо сви́ряющим и волхво́м покланя́ющимся,/ А́нгелом воспева́ющим, И́род мя́-

тя́шеся,/ я́ко Бог во плóти яв́ися,// Спас душ на́ших.

На 4. Стих: **От стра́жи у́тренняя до но́щи, от стра́жи у́тренняя,// да упова́ет Изра́иль на Го́спода.**

Стихи́ра: **Ца́рство Твое́, Христэ́ Бо́же,/ Ца́рство всех веко́в,/ и Влады́чество Твое́ во вся́ком ро́де и ро́де,/ воплоті́выйся от Ду́ха Свята́го/ и от Присноде́вы Мари́и вочело́вечивыйся,/ свет нам возсия́, Христэ́ Бо́же,/ Твое́ приш́ествие;/ Свет от Све́та, О́тчее сия́ние,/ всю тварь просвети́л еси́,/ вся́кое дыха́ние хва́лит Тя./ О́браз сла́вы О́тчия, Сый, и прэ́жде Сый,// и возсия́вый от Де́вы, Бо́же, поми́луй нас.**

Стих: **Я́ко у Го́спода ми́лость, и мно́гое у Него́ избавле́ние,// и Той изба́вит Изра́иля от всех беззако́ний его́.**

Стихи́ра: **Ца́рство Твое́, Христэ́ Бо́же,/ Ца́рство всех веко́в,/ и Влады́чество Твое́ во вся́ком ро́де и ро́де,/ воплоті́выйся от Ду́ха Свята́го/ и от Присноде́вы Мари́и вочело́вечивыйся,/ свет нам возсия́, Христэ́ Бо́же,/ Твое́ приш́ествие;/ Свет от Све́та, О́тчее сия́ние,/ всю тварь просвети́л еси́,/ вся́кое дыха́ние хва́лит Тя./ О́браз сла́вы О́тчия, Сый, и прэ́жде Сый,// и возсия́вый от Де́вы, Бо́же, поми́луй нас.**

На 2. Стих: **Хвали́те Го́спода вси язы́цы,// похвали́те Его́ вси лю́дие.**

Стихи́ра: **Чтó Тебе́ принесём, Христэ́,/ я́ко яви́лся еси́ на землі/ я́ко Чело́век нас ра́ди?/ Ка́ждо бо от Тебе́ б́вших тва́рей благода́рение Тебе́ прино́сит:/ А́нгели – пе́ние; небеса́ – звездý;/ волсви́ – да́ры; па́стырие – чу́до;/ земля́ – верте́п; пусты́ня – я́сли;/ мы же – Ма́терь Де́ву.// И́же прэ́жде век, Бо́же, поми́луй нас.**

Стих: **Я́ко утверди́ся ми́лость Его́ на нас,// и и́стина Госпо́дня пребы́вает во век.**

Стихи́ра: **Чтó Тебе́ принесём, Христэ́,/ я́ко яви́лся еси́ на землі/ я́ко Чело́век нас ра́ди?/ Ка́ждо бо от Тебе́ б́вших тва́рей благода́рение Тебе́ прино́сит:/ А́нгели – пе́ние; небеса́ – звездý;/ волсви́ – да́ры; па́стырие – чу́до;/ земля́ – верте́п; пусты́ня – я́сли;/ мы же – Ма́терь Де́ву.// И́же прэ́жде век, Бо́же, поми́луй нас.**

Сла́ва Отцу́ и Сы́ну и Свято́му Ду́ху и ны́не и прісно и во ве́ки веко́в. Ами́нь.

Византи́ево: **А́вгусту единонача́льствующу на землі,/ многонача́лие чело́веков престá;/ и Тебе́ вочелове́чшуся от Чістыя,/ многобо́жие ідо́лов упраздни́ся,/ под еди́нем ца́рством мирскі́м гра́ди бы́ша,/ и во Еди́но Влады́чество Божества́ язы́цы ве́роваша./ Написа́шася лю́дие повеле́нием ке́саревым,/ написа́хомся, ве́рнии, И́менем Божества́,/ Тебе́, вочелове́чшагося Бо́га на́шего.// Ве́лия Твоя́ ми́лость, Го́споди, сла́ва Тебе́**

ВХОД С ЕВАНГЕЛИЕМ:

Диáкон: Прему́дрость, прóсти.

СВѢТЕ ТИХІЙ:

Хор: **Свѣте Тіхий святы́я сла́вы Безсме́ртнаго Отца́ Небе́снаго, Свята́го, Блаже́ннаго, Иисýсе Христэ́! Прише́дше на за́пад со́лнца, ви́девше свет вече́рний, поём Отца́, Сы́на и Свята́го Ду́ха, Бо́га. Досто́ин еси́ во вся времена́ пет бы́ти гла́сы преподо́бными, Сы́не Бо́жий, живо́т да́й; те́мже мир Тя сла́вит.**

Диáкон: Вóннем.

Иерей: Мир всем.

Хор: И ду́хови твоemú.

ПРОКІМЕН ДНЯ (В НЕДЕ́ЛЮ ВЕ́ЧЕРА):

Диáкон: Прему́дрость вóннем. **Прокі́мен, глас 8-й:**

Се ны́не благослови́те Го́спода, вси ра́бї Госпо́дни.

Хор: **Се ны́не благослови́те Го́спода, вси ра́бї Госпо́дни.**

Диакон: Стоящи во храме Господни, во двóрех дому Бóга нашего.
Хор: Се ныне благословите Гóспода, вси раб́и Господни.
Диакон: Се ныне благословите Гóспода.
Хор: Вси раб́и Господни.

Закрываются Царские врата

ПАРЕМЬИ:

Диакон: Премудрость.
Чтец: Бытия чтение.

Диакон: Вóннем.

Чтец: В нача́ле сотвори́ Бог Не́бо и зе́млю. Земля́ же бе неvíдима и неустро́ена, и тма́ верху́ бездны, и Дух Бо́жий ноша́шеся верху́ воды́. И рече́ Бог: да бу́дет свет. И бысть свет. И ви́де Бог свет, я́ко добро́; и разлучи́ Бог между́ све́том и между́ тьмо́ю. И нарече́ Бог свет день, и тьму́ нарече́ ночь. И бысть ве́чер, и бысть у́тро, день еди́н. И рече́ Бог: да бу́дет твердь посреде́ воды́, и да бу́дет разлуча́ющи посреде́ воды́ и воды́. И бысть та́ко. И сотвори́ Бог твердь; и разлучи́ Бог между́ водо́ю, я́же бе под твёрдию, и между́ водо́ю, я́же бе над твёрдию. И нарече́ Бог твердь не́бо; и ви́де Бог, я́ко добро́. И бысть ве́чер, и бысть у́тро, день второ́й. И рече́ Бог: да соберётся вода́, я́же под небесе́м, в собра́ние еди́но, и да явится су́ша. И бысть та́ко. И собра́ся вода́, я́же под небесе́м, в собра́ния своя́, и яви́ся су́ша. И нарече́ Бог су́шу зе́млю и собра́ния вод нарече́ моря́. И ви́де Бог, я́ко добро́. И рече́ Бог: да прорасти́т земля́ бы́лие травно́е, се́ющее се́мя по ро́ду и по подо́бию, и дре́во плодови́тое, творя́щее плод, е́муже се́мя егó в нем, по ро́ду на земли́. И бысть та́ко. И изнесе́ земля́ бы́лие травно́е, се́ющее по ро́ду и по подо́бию, и дре́во плодови́тое, творя́щее плод, е́муже се́мя егó в нем по ро́ду на земли́. И ви́де Бог, я́ко добро́. И бысть ве́чер, и бысть у́тро, день тре́тий.

Диакон: Премудрость.

Чтец: Числ чтение.

Диакон: Вóннем.

Чтец: Бысть Дух Бо́жий на Вала́аме и, восприе́м притчи своя́, рече́: коль добри́ до́ми твои́, Иа́кове, и ски́ния тво́я, Изра́илю? Я́ко страны́ осеня́ющия, я́ко са́дие при ре́ках, и я́ко ски́ния, я́же водрузи́ Господь, и я́ко ке́дри при вода́х. Изы́дет челове́к от се́мене егó, и облада́ет язы́ки мно́гими, и возвы́сится ца́рство егó, и возрасте́т. Бог наста́вит егó из Еги́пта, я́ко сла́ву единоро́га егó. Пояст язы́ки враг свои́х, и то́лщу их изможди́т, и стрела́ми свои́ми устрели́т врага́. Возле́г, почи́, я́ко лев и я́ко ски́мен, кто возста́вит егó? Благословя́щии Тя благослове́ни, и прокли́нающии Тя про́кляти. Возсия́ет звездá от Иа́кова, и воста́нет челове́к от Изра́иля, и ссече́т кня́зи Моа́витския, и плени́т вся сы́ны Си́фовы, и бу́дет Едо́м достоя́ние, и бу́дет насле́дие Иса́в враг егó, и Изра́иль сотвори́ кре́пость.

Диакон: Премудрость.

Чтец: Проро́чества Михе́ина чтение.

Диакон: Вóннем.

Чтец: Во днех о́нех глаго́лет Господь: соберу́ сокруше́нную и отрино́венную прииму́, я́же отринух. И положу́ сотре́нную во оста́нок и отрино́венную в язы́к кре́пок, и воцари́тся Господь над ни́ми в горе́ Сио́нстей от ны́не и во ве́ки. И ты, Вифле́еме, до́ме Евфра́фов, еда́ мал еси́, е́же бы́ти в ты́сящах Иу́довых. Из тебе́ бо Мне изы́дет Старей́шина, е́же бы́ти в Кня́зя во Изра́или; и исходи́ Егó из нача́ла, от дней ве́ка. Сего́ ра́ди даст я, до вре́мене ражда́ющия породи́т, и про́чии от бра́тий Егó обра́тятся к сыно́м Изра́илевым. И ста́нет, и у́зрит, и упасе́т па́ству Свою́ кре́постию Гос-

пóдь. И в слáве Ёмене Гóспода Бóга своего пребúдут, зáне ны́не возвели́чится дáже до конéц землѣ.

Открываются Царские врата.

По установившейся практике, зафиксированной в Синодальных нотных изданиях, поются только последние слова тропаря. Поэтому исполнение этих тропарей со стихами совершается в следующем порядке:

Чтец (возглашает):

Тáйно родѣлся есѣ в вертéпе,/ но Нéбо Тя всем проповéда,/ я́коже устá, звездú предлага́я, Спáсе,/ и волхвѣ Ти приведе́, véрою покланя́ющияся Тебé; //

Чтец (поет): **С** нѣмиже помѣлуй нас.

Хор: **С** нѣмиже помѣлуй нас.

Чтец: **О**сновáния Егó на горáх святýх,/ лúбит Госпóдь вратá Сиóня пáче всех селéний Иáковлих,/ преслáвная глагóлашася о Тебé, гра́де Бóжий./ Помянú Рáав и Вавилóна, вéдущим мя./ **И** волхвѣ Ти приведе́, véрою покланя́ющияся Тебé; //

Хор: **С** нѣмиже помѣлуй нас.

Чтец: **И** се иноплемéнницы, и Тир, и лúдие Ефиóпстии,/ сѣи бýша тáмо./ Мáти Сиóн речёт:/ Человéк и Человéк родѣся в нем,/ и Той основá и Вýшний./ **И** волхвѣ Ти приведе́, véрою покланя́ющияся Тебé; //

Хор: **С** нѣмиже помѣлуй нас.

Чтец: Госпóдь повéсть в писáнии людéй/ и князéй сих, бýвших в нем,/ я́ко веселя́щихся всех жили́ще в Тебé./ **И** волхвѣ Ти приведе́, véрою покланя́ющияся Тебé; //

Хор: **С** нѣмиже помѣлуй нас.

Чтец: **Слáва Отцú и Сýну и Святóму Дúху.**/ И волхвѣ Ти приведе́, véрою покланя́ющияся Тебé; //

Хор: **С** нѣмиже помѣлуй нас.

Чтец: **И ны́не и прѣсно и во вéки веко́в. Амѣнь.**/ И волхвѣ Ти приведе́, véрою покланя́ющияся Тебé; //

Хор: **С** нѣмиже помѣлуй нас.

Чтец(возглашает):

Тáйно родѣлся есѣ в вертéпе,/ но Нéбо Тя всем проповéда,/ я́коже устá, звездú предлага́я, Спáсе,/ и волхвѣ Ти приведе́, véрою покланя́ющияся Тебé; //

Чтец (поет): **С** нѣмиже помѣлуй нас.

Закрываются Царские врата.

Диакон: Премúдрость.

Чтец: Прорóчества Иса́иина чтéние.

Диакон: Вóннем.

Чтец: Тáко глагóлет Госпóдь: изы́дет Жезл от кóрене Иессéова, и Цвет от кóрене егó възы́дет, и почиет на Нем Дúх Бóжий, Дúх мúдрости и рáзума, Дúх совéта и крéпости, Дúх вéдения и благочéстия, Дúх стрáха Бóжия испóлнит Егó. Не по слáве сýдит, ни же по глагóланию обличѣт, но сýдит прáвдою смиренных суд, и обличѣт прáвостию слáвныя землѣ, и поразѣт зéмлю слóвом уст Своѣх, и Дúхом устén убиёт нечестѣваго. И бýдет прáвдою препоя́сан по чрéслех Своѣх и ѣстиною обвѣт по рéбром Своѣм. Тогда́ пожирúет волк со áгнцем, и рысь почиет с кóзлищем, и телéц, и лев, и юнéц вкúпе пожирúют, и отрочá мáло поведёт их. Телéц и лев вкúпе пасúтся, и вкúпе чáда их бýдут; и лев, я́ко вол, снести плéвы. И отрочá млáдо на пещéру áспидску и на лóже плéмене áспидска рúку возложѣт. И не сотворят зла, ниже́ ѣмут погубѣти ни едѣнаго же на горé святéй Моéй, занéже напóлнися вся земл́я познáти

Господа, яко водё мнозе покрыти моря. И будет в день он корень Иессеев и возста́й владети языки; на него́ языцы упова́ют, и бу́дет поко́й его́ честь.

Диакон: Прему́дрость.

Чтец: Проро́чества Вару́хова чтéние.

Диакон: Во́ннем.

Чтец: Сей Бог наш, и не приложится ин к Немú. Изобрéте всяк путь худо́жества, и даде́ и Иа́кову, óтроку Своемú, и Изра́илю, возлю́бленному от Него́. Посём же на земл́и яв́ися и с челове́ки поживе́. Сия́ кн́ига повелéний Бо́жиих, и за́кон сый во ве́ки; вси, держа́щиеся ея́, в живо́т вни́дут, оста́вившии же ю, у́мрут. Обрат́ися, Иа́кове, и им́ися ея́. Поиди́ к сия́нию пря́мо све́та ея́. Не даждь ино́му сла́вы твоея́ и полéзных тебе́ язы́ку чужде́му. Блаже́ни есмý, Изра́илю, яко угодная́ Бо́гу нам разу́мна суть.

Диакон: Прему́дрость.

Чтец: Проро́чества Дани́илова чтéние.

Диакон: Во́ннем.

Чтец: Рече́ Дани́ил Навуходонóсору: ты, царю́, ви́дел еси́, и се о́браз еди́н, о́браз о́ный вели́к, и обли́чие его́ окру́гло, стоя́ше пред лицéм твои́м, и ви́дение его́ стра́шно. О́браз, его́же глава́ от зláта чи́ста; ру́це, и пёрси, и мýшцы его́ сребряны; чре́во и стéгны ме́дяны; го́лени желе́зные; но́зе часть у́бо желе́зна, и часть не́кая скуде́льна. Ви́дел еси́, до́ндеже отто́ржеся ка́мень от горы́ без рук и порази́ о́браз, на но́ги желе́зные и скуде́льные, и истни́ я до конца́. Тогда́ истни́шася во еди́но скуде́ль, желе́зо, медь, серебро́, зláто, и бы́ша, яко прах от гумна́ жатвеннаго, и взят я мно́жество дохнове́ния, и ме́сто не обрётеся им; ка́мень же, порази́вый о́браз, бысть в го́ру ве́лию и испо́лни всю зе́млю. Си́е есть со́ние, и сказа́ние его́ рече́м пред царём: возста́вит Бог Небе́сный Ца́рство, е́же во ве́ки не истле́ет, и Ца́рство Его́ лю́дем иным не оста́вится. И истни́т, и измо́ждит вся ца́рствия, и то воста́нет во ве́ки. Имже о́бразом ви́дел еси́, яко от горы́ отсече́ся ка́мень без рук и сотри́ скуде́ль, желе́зо, медь, серебро́, зláто. Бог вели́кий сказа́ царю́, имже подоба́ет быти по сих, и и́стинно со́ние и ве́рно сказа́ние Его́.

Открываются Царские врата.

Чтец (возглашает):

Воссия́л еси́, Христé, от Дéвы, разу́мное Со́лнце Пра́вды,/ и звезда́ Тя показá в верте́пе, вмеща́ющаяся Невместима́го./ Волхвы́ наста́вил еси́ на поклонéние Твое́,/ с ними́же Тя велича́ем://

Чтец (поет): Жизнода́вче, сла́ва Тебе́.

Хор: Жизнода́вче, сла́ва Тебе́.

Чтец: Госпо́дь воцари́ся, в ле́поту облече́ся,/ облече́ся Госпо́дь в си́лу и препоя́сася,/ и́бо утверди́ вселенну́ю, я́же не подви́жится./ Гото́в престо́л Твой отто́ле,/ от ве́ка Ты еси́./ Волхвы́ наста́вил еси́ на поклонéние Твое́,/ с ними́же Тя велича́ем://

Хор: Жизнода́вче, сла́ва Тебе́.

Чтец: Воздвигóша ре́ки, Госпо́ди,/ воздвигóша ре́ки гла́сы своя́./ Во́змут ре́ки сотре́ния своя́/ от гласо́в вод мно́гих./ Волхвы́ наста́вил еси́ на поклонéние Твое́,/ с ними́же Тя велича́ем://

Хор: Жизнода́вче, сла́ва Тебе́.

Чтец: Ди́вны высо́ты морски́я,/ ди́вен в высо́ких Госпо́дь./ Свидéния Твоя́ уве́ришася зело́:/ до́му Твоемú подоба́ет святы́ня, Госпо́ди, в долготу́ дний./ Волхвы́ наста́вил еси́ на поклонéние Твое́,/ с ними́же Тя велича́ем://

Хор: Жизнода́вче, сла́ва Тебе́.

Чтец: Сла́ва Отцу́ и Сы́ну и Свято́му Ду́ху./ Волхвы́ наста́вил еси́ на поклонение́ Твое́,/ с ними́же Ты велича́ем://

Хор: Жизнода́вче, сла́ва Тебе́.

Чтец: И ны́не и прісно и во ве́ки веко́в. Ами́нь./ Волхвы́ наста́вил еси́ на поклонение́ Твое́,/ с ними́же Ты велича́ем://

Хор: Жизнода́вче, сла́ва Тебе́.

Чтец (возглашает):

Возсия́л еси́, Христé, от Дéвы, разу́мное Со́лнце Пра́вды,/ и звезда́ Ты показá в верте́пе, вмеща́ющаяся Невместі́мага./ Волхвы́ наста́вил еси́ на поклонение́ Твое́,/ с ними́же Ты велича́ем://

Чтец (поет): Жизнода́вче, сла́ва Тебе́.

Закрываются Царские врата.

Диакон: Прему́дрость.

Чтец: Проро́чества Иса́иина чтéние.

Диакон: Во́нмем.

Чтец: Отрочá роди́ся нам, Сын, и даде́ся нам, Егóже нача́льство бысть на ра́ме Его; и нарица́ется И́мя Егó: вели́каго сове́та А́нгел, чу́ден Сове́тник, Бог Кре́пок, Вла́ститель, Нача́льник ми́ра, Оте́ц бу́дущаго ве́ка, приведе́т бо мир на нача́льники, и здра́вие Егó, и ве́лие нача́льство Егó, и ми́ра Егó несть преде́ла, на престо́л Дави́дов и на ца́рство Егó, испра́вити е и заступі́ти е судьбо́ю и пра́вдою от ны́не и до ве́ка. Ревно́сть Го́спода Савао́фа сотвори́т сия́.

Диакон: Прему́дрость.

Чтец: Проро́чества Иса́иина чтéние.

Диакон: Во́нмем.

Чтец: Приложі́ Госпо́дь глаго́лати ко Аха́зу, глаго́ля: просі́ себе́ зна́мения у Го́спода Бо́га твоего́ во глубину́ или́ в высоту́. И рече́ Аха́з: не імам просі́ти, ниже́ иску́сити Го́спода. И рече́ Иса́ия: услы́шите ўбо, до́ме Дави́дов: еда́ мал вам труд да́ти челове́ком, и ка́ко Го́споду труд дае́те? Сего́ ра́ди даст Госпо́дь Сам вам зна́мение: се Дéва во чре́ве приімет и роди́т Сы́на, и нареку́т імя Егó Емману́ил; ма́сло и мед іма́ть снести́, пре́жде не́же увéдети Емú или́ изво́лити лука́вое, изберёт благо́е: За́не пре́жде, не́же разу́мети Отрочáти благо́е или́ зло́е, отри́нет лука́вая, изберёт благо́е. И рече́ Госпо́дь ко мне: приими́ себе́ світок нов, вели́к и напиши́ в нем пи́салом челове́ческим, е́же ско́ро пленение́ сотвори́ коры́стей, настоя́т бо. И сви́детели мне сотвори́ ве́рны челове́ки, Ури́ю иере́я, и Заха́рию, сы́на Варахи́ина. И приступі́х ко проро́чице, и во чре́ве при́ят и роди́ сы́на. И рече́ мне Госпо́дь: нарцы́ імя е́мú, ско́ро плені́ и напрáсно испровéрзи. Занé пре́жде, не́же разу́мети отрочáти назва́ти отца́ или́ ма́терь, приімет си́лу дама́скову и коры́сти самарі́йския пра́мо царю́ асси́рійскому. С на́ми Бог, разу́мейте, язы́цы, и пока́райтесь. Услы́шите да́же до послéдних земли́, могу́щии, пока́райтесь, а́ще бо па́ки возмо́жете и па́ки побе́ждени бу́дете. И і́же а́ще совет совеща́ете, разори́т Госпо́дь, и Сло́во, е́же а́ще возглаго́лете, не пребу́дет в вас, я́ко с на́ми Бог.

Открываются Царские врата.

ЕКТЕНИЯ́ МА́ЛАЯ:

Диакон: Па́ки и па́ки ми́ром Го́споду помо́лимся.

Хор: Го́споди, помі́луй.

Диакон: Заступі́, спасі́, помі́луй и сохрани́ нас, Бо́же, Твое́ю благода́тию.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко Свят еси, Боже наш, и Тебе славу возсылаем, Отцу и Сыну и Святому Духу, ныне и присно, и во веки веков.

Хор: Аминь.

Диакон: Вонмем.

Иерей: Мир всем.

Чтец: И духови твоему.

Диакон: Премудрость.

Чтец: Прокимен, глас 1:

Господь рече ко Мне: Сын Мой еси Ты, Аз днесь роди́х Тя.

Хор: Господь рече ко Мне: Сын Мой еси Ты, Аз днесь роди́х Тя.

Чтец: Проси́ от Мене́, и дам Ти языки, достоя́ние Твое́ и одержа́ние Твое́ концы́ земли́.

Хор: Господь рече ко Мне: Сын Мой еси Ты, Аз днесь роди́х Тя.

Чтец: Господь рече ко Мне: Сын Мой еси Ты,

Хор: Аз днесь роди́х Тя.

Диакон: Премудрость.

Чтец: Ко Евреем послания свя́таго Апосто́ла Па́вла чтéние.

Диакон: Вонмем.

Чтец: Многоча́стне и многообра́зне дре́вле Бог, глаго́лавый отце́м во проро́цех. В по́сле́док дний сих глаго́ла нам в Сы́не, Егóже положи́ наслéдника всем, Имже и ве́ки сотвори́. Иже Сый сия́ние сла́вы и о́браз Ипостáси Егó, нося́ же вся́ческая глаго́лом си́лы Своея́, Собóю очище́ние сотвори́в грехóв на́ших, седе одесну́ю Престо́ла вели́чества на вы́соких. Толи́ко лу́чший быв А́нгел, ели́ко пресла́внее па́че их наслéдствова́ имя. Кому́ бо рече́ когда́ от А́нгел: Сын Мой еси́ Ты, Аз днесь роди́х Тя; и па́ки: Аз бу́ду Емú во Отца́, и Той бу́дет Мне в Сы́на. Егда́ же па́ки вводит Перво́ро́днаго во вселéнную, глаго́лет: и да поклóняются Емú вси А́нгели Бо́жи. И ко А́нгелом úбо глаго́лет: твори́й А́нгелы Своя́ дýхи и слуги́ Своя́ огонь паля́щ. К Сы́ну же: престóл Твой, Бо́же, в век ве́ка, жезл пра́вости, жезл Ца́рствия Твоегó. Возлю́бил еси́ пра́вду и возненави́дел еси́ беззакóние, сего́ ра́ди пома́за Тя, Бо́же, Бог Твой елеем ра́дости па́че прича́стник Твои́х. И па́ки: в нача́ле Ты, Господи, зéмлю основа́л еси́, и дела́ руку́ Твоею́ суть небеса́. Та поги́бнут, Ты же пребыва́еши, и вся, я́коже ри́за, обетша́ют, и, я́ко оде́жду, свиéши их, и изменя́тся; Ты же то́йжде еси́, и ле́та Твоя́ не оскуде́ют.

Иерей: Мир ти.

Чтец: И духови твоему

Диакон: Премудрость.

Чтец: Глас 5: Аллилу́ия, аллилу́ия, аллилу́ия.

Хор: Аллилу́ия, аллилу́ия, аллилу́ия.

Чтец: Рече́ Господь́ Господеви́ моемú: седи́ одесну́ю Мене́, до́ндеже положу́ враги́ Твоя́ подно́жие ног Твои́х.

Хор: Аллилу́ия, аллилу́ия, аллилу́ия.

Чтец: Жезл си́лы по́слет Ти Господь́ от Си́она.

Хор: Аллилу́ия, аллилу́ия, аллилу́ия.

Чтец: Из чрева прежде денницы роди́х Тя, кля́тся Госпо́дь и не раска́ется.

Хор: Аллилу́ия, аллилу́ия, аллилу́ия.

Диакон: Прему́дрость, про́сти, услы́шим свята́го Ева́нгелия.

Иерей: Мир всем.

Хор: И ду́хови твоemú.

Диакон: От Луки́ свята́го Ева́нгелия чтéние.

Хор: Сла́ва Тебе́, Го́споди, сла́ва Тебе́.

Диакон: Во́нмем.

Во днех о́них изы́де повелéние от кéсаря А́вгуста написáти всю вселéнную. Сиé написáние пéрвое бысть, владя́щу Си́рию Ки́ринию. И идя́ху вси написáтися, ко́ждо во свой град. Взы́де же и Ио́сиф от Галиле́и из гра́да Назаре́та во Иуде́ю, во град Дави́дов, и́же нарица́ется Вифле́ем, занé быти ему́ от до́му и оте́чества Дави́дова, написáтися с Мари́ею, обруче́нною ему́ Жено́ю, су́щею непрáздною. Бысть же, егда́ бы́ша та́мо, испо́лнишася д́ние родити́ Ей. И роди́ Сы́на Своeго́ пéрвенца, и повит́ Егó, и положи́ Егó в я́слех, занé не бе им мéста во обитeли. И пáстырие бéху в той́же странé, бдя́ще, и стрегу́ще стра́жу нощну́ю о ста́де своeм. И се А́нгел Госпо́день ста в них, и сла́ва Госпо́дня осия́ их, и убо́яшася стра́хом вéлиим. И рече́ им А́нгел: не бо́йтесь, се бо́ благовествúю вам рáдость вéлию, я́же бу́дет всем лю́дем, я́ко роди́ся вам днесь Спас, и́же есть Христóс Госпо́дь, во гра́де Дави́дове. И се вам зна́мение: обря́щете Младéнца повита́, лежа́ща в я́слех. И внеза́пу бысть со А́нгелом мно́жество вой Небéсных, хва́лящих Бо́га и глаго́лющих: сла́ва в Вы́шних Бо́гу, и на земл́и мир, в челове́цех благово́ление. И бысть, я́ко отыдо́ша от них на Не́бо А́нгели, и челове́цы пáстырие рéша друг ко дру́гу: прей́дем до Вифле́ема и ви́дим глаго́л сей бы́вший, егóже Госпо́дь сказа́ нам. И приидо́ша, поспéшшеся, и обрето́ша Мари́ам же и Ио́сифа и Младéнца, лежа́ща во я́слех. Ви́девши же, сказа́ша о глаго́ле, глаго́ланном им о Отроча́ти Сем. И вси слы́шавшии диви́шася о глаго́ланных от пáстырей к ним. Мари́ам же соблю́даше вся глаго́лы сия́, сла́гаючи в се́рдцы Своeм. И возврати́шася пáстырие, сла́вяще и хва́ляще Бо́га о всех я́же слы́шаша и ви́деша, я́коже глаго́лано бысть к ним.

Хор: Сла́ва Тебе́, Го́споди, сла́ва Тебе́.

Закрываются Царские врата.

ЕКТЕНИЯ СУГУБАЯ:

Диакон: Рце́м вси от всея́ ду́ш, и от всегó помышлéния нáшего рце́м.

Хор: Го́споди, помилу́й.

Диакон: Го́споди Вседержи́телю, Бо́же оте́ц нáших, мо́лим Ти ся, услы́ши и помилу́й.

Хор: Го́споди, помилу́й.

Диакон: Помилу́й нас, Бо́же, по вели́цей ми́лости Твое́й, мо́лим Ти ся, услы́ши и помилу́й.

Хор: Го́споди, помилу́й. *(Трижды, на каждое прошение)*

Диакон: Е́ще мо́лимся о Вели́ком Госпо́дине и Отце́ нáшем Святéйшем Патриáрхе Кири́лле, и о Госпо́дине нáшем Высокопреосвяще́ннейшем митрополите́ *(или: архиепи́сCOPE, или: преосвяще́ннейшем епи́сCOPE имяре́к)*, и все́й во Христé бра́тии нáшей.

Е́ще мо́лимся о Богохрани́мей странé нáшей, власте́х и во́инстве ея́, да ти́хое и безмо́лвное жити́е поживе́м во вся́ком благоче́стии и чистоте́.

Е́ще мо́лимся о блаже́нных и приснопа́мятных создáтелях свята́го хра́ма сегó, и о всех преждепо́чивших отце́х и бра́тиях, зде лежа́щих и повсю́ду, правосла́вных.

Е́ще мо́лимся о ми́лости, жи́зни, ми́ре, здра́вии, спасéнии, посещéнии, прощéнии и оставлéнии грехóв рабо́в Бо́жиих настоя́теля, бра́тии и прихо́жан свята́го хра́ма сегó.

Е́ще мо́лимся о плодонося́щих и добродéющих во свята́м и всечестнéм хра́ме сем, тружда́ющихся, пою́щих и предстоя́щих лю́дех, ожида́ющих от Тебе́ вели́кия и богáтыя ми́лости.

Иерей: Я́ко Ми́лостив и Человеколю́бец Бог еси́, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и при́сно и во ве́ки веко́в.

Хор: Ами́нь.

Сподóби, Го́споди:

Хор: Сподóби, Го́споди, в вéчер сей без грехá сохрани́тися нам. Благословéн еси́, Го́споди, Бо́же оте́ц нáших, и хва́льно и просла́влено и́мя Твое́ во ве́ки. Ами́нь.

Бу́ди, Го́споди, ми́лость Твоя́ на нас, я́коже упова́хом на Тя. Благословéн еси́, Го́споди, научи́ мя оправдáнием Твои́м. Благословéн еси́, Влады́ко, вразуми́ мя оп-

равданием Твоим. Благословен еси, Святый, просвети мя оправданием Твоими.

Господи, милость Твоя во век, дел рук Твоих не презри. Тебе подобает хвала, Тебе подобает пение, Тебе слава подобает. Отцу и Сыну и Святому Духу, ныне и присно и во веки веков. **Аминь.**

ЕКТЕНИЯ ПРОСИТЕЛЬНАЯ:

Диакон: Исполним вечернюю молитву нашу Господеви.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Хор: Господи, помилуй.

Диакон: Вечера всего совершенна, свята, мирна и безгрешна у Господа просим.

Хор: Подай, Господи. *(На каждое прошение)*

Диакон: Ангела мирна, верна наставника, хранителя душ и телес наших, у Господа просим.

Прощения и оставления грехов и прегрешений наших у Господа просим.

Добрых и полезных душам нашим и мира миру у Господа просим.

Прочее время живота нашего в мире и покаянии скончати у Господа просим.

Христианския кончины живота нашего, безболезненны, непостыдны, мирны и доброго ответа на Страшнем Судищи Христове просим.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе, и друг друга, и весь живот наш Христу Богу предадим.

Хор: Тебе, Господи.

Иерей: Яко Благ и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Хор: Аминь.

Иерей: Мир всем.

Хор: И духови твоему.

Диакон: Главы наша Господеви приклоним.

Хор: Тебе, Господи.

Иерей: Буди держава Царствия Твоего благословена и препрославлена. Отца и Сына и Святого Духа, ныне и присно и во веки веков.

Хор: Аминь.

Диакон: Премудрость.

Хор: Благослови.

Иерей: Сый благословен Христос Бог наш, всегда, ныне и присно и во веки веков.

Хор: Аминь. Утверди, Боже, святую православную веру, православных христиан во век века.

Иерей: Пресвятая Богородице, спаси нас.

Хор: Честнейшую Херувим и Славнейшую без сравнения Серафим, без истления Бога Слова рождшую, сущую Богородицу, Тя величаем.

Иерей: Слава Тебе, Христе Боже, Упование наше, слава Тебе.

Царские врата открываются

Хор: Слава, и ныне. Господи, помилуй. *(Трижды)* Благослови.

ОТПУСТ:

Иерей: Иже в вертепе родивыйся и в яслех возлегий, нашего ради спасения, Христос, Истинный Бог наш, молитвами Пречистой Своей Матере и всех святых, помилует и спасет нас, яко Благ и Человеколюбец.

По отпусте великой вечерни на середине храмаставляется горящий светильник, и около него изшедшие из алтаря священнослужители поют:

ТРОПАРЬ ПРАЗДНИКА, ГЛАС 4:

Духовенство: Рождество Твое, Христе Боже наш, возсия миру свет разума, в нем бо звездам служащий/ звездою учахуся/ Тебе кланяться, Солнцу Правды, и Тебе ведети с высоты востока.// Господи, слава Тебе.

Слава Отцу и Сыну и Святому Духу и ныне и присно и во веки веков. **Аминь.**

КОНДАК ПРАЗДНИКА, ГЛАС 3:

Дева днесь Пресущественнаго раждает,/ и земля вертеп Неприступному приносит./ Ангели с пастырьми славословят,/ волсви же со звездою путешествуют:// нас бо ради родися Отроча Младо, Превечный Бог.

(Величание не поется.)

Затем, по традиции, поются многолетны:

МНОГОЛѢТИЕ:

Хор: Великаго Господина и Отца нашего **Кирилла**,/ Святѣйшаго Патріарха Московскаго и всея Руси,/ и Господина нашего *(Высоко-)* Преосвященнейшаго *(имярек)*,/ *(архи-)*епископа *(митрополита (титул))*,/ богохранимую страну нашу Российскую,/ настоятеля, бранию и прихожан святаго храма сего/ и вся православныя христианы,// Господи, сохрани их на многая лета.